

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2011964947, 2011867536, 2011864667 որոշումն անփոփոխ թողնելու, իսկ թիվ 2011864717 որոշումը բեկանելու և վարչական գործի վարույթը կարճելու մասին

<< 15 >> 01 2021թ 7-13 104

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ալեքսանդր Ղեյվանդյանի ՄԴ/160089-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արարատի մարզի Սիս գյուղի Մխիթար Սպարապետի փողոցի 7 տան բնակիչ Ալեքսանդր Ղեյվանդյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 2011964947, 2011867536, 2011864667, 2011864717 որոշումները՝ հայտնելով իր անհամաձայնությունը կայացված որոշումների կապակցությամբ:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<<Կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 84-րդ կետի 7-րդ ենթակետի համաձայն, կանգառն արգելվում է 1.17 գծանշմամբ նշված ընդհանուր օգտագործման տրանսպորտային միջոցների կանգառի կետերից կամ, այդ գծանշման բացակայության դեպքում, ընդհանուր օգտագործման տրանսպորտային միջոցների կանգառի կամ տաքսիների կայանման տեղերի ցուցիչներից 15 մ մոտ:

Ճանապարհային ոստիկանության վարչական տույժ նշանակելու մասին թիվ 2011964947 որոշումով արձանագրված իրավախախտումն ամրագրած տեսանյութը փաստում է, որ դիմումատուն <<TOYOTA>> մակնիշի 139AC61 հաշվառման համարանիշի ավտոմոբիլով Երևան քաղաքի Հանրապետության հրապարակ - Ամիրյան փողոցների խաչմերուկի հատվածում՝ իրավախախտումն արձանագրած վայրում կանգառ է կատարել ընդհանուր օգտագործման տրանսպորտային միջոցների կանգառի կետի տարածքում՝ 26.10.2020թ. ժամը 16:58:11-րդ վայրկյանից մինչև 16:59:12-րդ վայրկյանը՝ 61 վայրկյան տևողությամբ, հետևաբար նշված որոշումը իրավաչափ է և օրինական:

Ճանապարհային ոստիկանության վարչական տույժ նշանակելու մասին թիվ 2011867536 որոշումով արձանագրված իրավախախտումն ամրագրած տեսանյութը փաստում է, որ դիմումատուն <<TOYOTA>> մակնիշի 139AC61 հաշվառման համարանիշի ավտոմոբիլով Երևան քաղաքի Ծիծեռնակաբերդի խճուղի 3 (Դալմա Գարդեն Մոյ)ի հատվածում՝ իրավախախտումն արձանագրած վայրում կանգառ է կատարել ընդհանուր օգտագործման տրանսպորտային միջոցների կանգառի կետի տարածքում՝ 08.10.2020թ. ժամը 17:41:53-րդ վայրկյանից մինչև 17:42:54-րդ վայրկյանը՝ 61 վայրկյան տևողությամբ, հետևաբար նշված որոշումը իրավաչափ է և օրինական:

Վարչական իրավախախտումների վերաբերյալ << օրենսգրքի 124-րդ հոդվածի 39-րդ մասի համաձայն՝ Սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման համաձայն՝ 3.27՝ <<Կանգառն արգելվում է>> ճանապարհային նշանն արգելում է տրանսպորտային միջոցների կանգառն ու կայանումը:

Նույն որոշման համաձայն՝ 3.16, 3.20, 3.22, 3.24, 3.26, 3.27, 3.28, 3.29 և 3.30 նշանների ազդեցությունը տարածվում է՝ նշանի տեղադրման տեղից մինչև դրանից հետո գտնվող մոտակա խաչմերուկը, իսկ բնակավայրերում, խաչմերուկի բացակայության դեպքում, մինչև բնակավայրի վերջը: Նշանների ազդեցությունը չի ընդհատվում հետադարձի և բաժանարար գոտու խզման, ինչպես նաև ճանապարհների մերձակա տարածքներից ելքի և դաշտային, անտառային և այլ երկրորդական ճանապարհների հատման (հարման) տեղերում, եթե դրանցից առաջ համապատասխան նշաններ տեղադրված չեն:

Ճանապարհային ոստիկանության վարչական տույժ նշանակելու մասին թիվ 2011864667 որոշումով արձանագրված իրավախախտումն ամրագրած տեսանյութը փաստում է, որ դիմումատուի կողմից վարած տրանսպորտային միջոցը 17.09.2020թ. ժամը 15:39-ին Երևան քաղաքի Վ.Համբարձումյան – Երզնկյան - Բաղրամյան փողոցների խաչմերուկի հատվածում՝ իրավախախտումն արձանագրված վայրում կանգառ է կատարել 3.27՝ <<Կանգառն արգելվում է>> ճանապարհային նշանի ազդման գոտում, հետևաբար նշված որոշումը իրավաչափ է և օրինական:

Վարչական իրավախախտումների վերաբերյալ << օրենսգրքի 124-րդ հոդվածի 36-րդ մասի համաձայն՝ ճանապարհային նշանների պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

<<Վարչարարության հիմունքների և վարչական վարույթի մասին>> օրենքի 10-րդ հոդվածի 1-ին մասի համաձայն վարչական մարմնի կողմից քննարկվող փաստական հանգամանքների վերաբերյալ անձի ներկայացրած տվյալները, տեղեկությունները համարվում են հավաստի բոլոր դեպքերում, քանի դեռ վարչական մարմինը հակառակը չի ապացուցել:

Ճանապարհային ոստիկանության վարչական տույժ նշանակելու մասին թիվ 2011864717 որոշումով արձանագրված իրավախախտումն ամրագրած տեսանյութի լրացուցիչ ուսումնասիրության արդյունքում իրավախախտման փաստի առկայությունը համարվել է կասկածելի, հետևաբար նշված որոշումը ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 2011964947, 2011867536, 2011864667 որոշումները թողնել անփոփոխ, իսկ վարչական բողոքը՝ դրան վերաբերվող մասով առանց բավարարման:
2. Ճանապարհային ոստիկանության վարչական տույժ նշանակելու մասին 2011864717 որոշումը բեկանել և վարչական իրավախախտման վերաբերյալ գործի վարույթը կարճել:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Ալեքսանդր Ղեյվանդյանին:



Ե.Կարապետյան